

ընդարձակ տեղի տրտաքոյ քաղաքին նրուսաղէմի, և ապա ձեռն արկին շինել զայն վանք յանուն Ռուսաց . նախ պարսպեցին զտեղին շուրջանակի՝ և ապա հիմն արկին հոյակապ եկեղեցւոյ կաթուղիկէիւ և զանգակատամբ, շինեցին և զայլ փոքր եկեղեցի, կանգնեցին ընդարձակ Առաջնորդարան, հիւրատուն, իջեւանատեղի ուխտաւորաց, Հիւստոստարան բոլոր պարագայիւք, պարտիզօք և ջրամբարօք, և այլ ամենայն կարեւոր պիտոյիւք արքայավայել ճոխութեամբ, ծախեալ գանձս բազումս, յոր աշխատեղեն գործաւորք բազում. և յետ անցանելոյ ժամանակաց եկն յերուսաղէմ մեծ Դուքսն Ռուսաց Նիկողայոս, որդի Նիկողայոսի Կայսեր, և ետ օժանել մեծ եկեղեցին Քիրիլլոս Յոյն Պատրիարքի, և զինի հանդիսաւոր պատարագի մեկնեցաւ ՚ի Յոպպէ, (1872) :

Կոստանդին մեծ Դուքսն որդի Նիկողայոսի Կայսեր Ռուսաց եհաս ՚ի Յոպպէ, ունելով ընդ իւր զերիս մեծամեծ պատերազմական նաւս, բաց յերեւելի անձանց ընկերակցեալ էին նորին մեծութեան կինն եւ մանկահասակ որդին իւր . Պաշտօնեայք Օսմանեան Պետութեան, և եկեղեցականք քրիստոնէից սիրով և յարգանօք ընկալան զնա ՚ի նաւաճանդխտն, որ եւ իջեւանեցաւ ՚ի վանս Յունաց, ուր ՚ի սենեկի սպասէր նրուսաղէմի Ռուս եպիսկոպոսն խաչիւ . իսկ մեծ Դուքսն յերեկոյեան ընկալաւ զայցելութիւնս այլ և այլ ազգաց, ընդ որս և զեկեղեցականս Հայոց՝ զորս առաքեալ էր Յովհաննէս Պատրիարք յերուսաղէմէ՝ յողջոյն և ՚ի պտտիւ նորին մեծութեան : Եւ ՚ի վաղիւ անդր ել ՚ի ճանապարհ բազմութեամբ գնալ յերուսաղէմ, ուղեկից ունելով ընդ իւր զիղերս Յունաց և Հայոց, և ՚ի հասանիլ նորա ՚ի դուռն քաղաքին՝ եգիտ ընդունելութիւն մեծ ՚ի կողմանէ Քաղաքական իշխանութեան եւ ՚ի կրօնական դասէ՝ և ուղղակի գնաց ՚ի տաճարն Ս. Յարութեան և յետ երկրպագելոյ Գերեզմանին Քրիստոսի և Գողգոթայի, իջեւանեցաւ ՚ի վանս Յունաց . ապա եկն յուխտ եւ յայցելութիւն ՚ի վանս Ս. Յակոբայ, զոր Յովհաննէս Պատրիարք եւ միաբանք ուխտին եկեղեցական հանդիսիւ եւ մեծ շքով ընկալան յեկեղեցին՝ ապա ՚ի Պատրիարքարանն, անտի ՚ի Ս. Հրեշտակապետ և ՚ի Ս. Փրկիչ՝ յա-